

Gryphius, Andreas: [widmung] (1640)

- 1 Herr Popschitz/ den mein Hertz' von jugend auff gelibt/
- 2 Dem Niederland mich fest; vnd Franckreich mehr verbunden.
- 3 Vnd jhr/ den Leidē gab vñ Straßburg wieder gibt/
- 4 In welchem ich aufs new/ die alte gunst gefunden:
- 5 Nemb't diß geringe Pfand/ der vnverfälschtē trew:
- 6 Daß ich/ (ach fern' vō euch!) mein Popschitz vbergebe.
- 7 Diß pfand Herr Haffdersle/ soll zeugē sonder schew
- 8 Das mein Geist näher Euch/ als wol/ mein Körper lebe.
- 9 Von Einem scheiden mich Berg/ Länder/ Feld vnd See:
- 10 Den andern sucht von mir ein falscher Mund zu treñen;
- 11 Vmbsonst/ weil freundschaft gleich/ fern nah' in tieff' vnd höh'
- 12 Vnd wir einander nicht nur von gesicht erkennen:
- 13 Jedoch! weil zeit vnd Neydt/ so mit vns vmb will gehn/
- 14 Muß wider zeit vnd Neydt die feder mittel finden;
- 15 Daß wir/ trotz zeit vñ neydt/ doch vnzertreñet stehn:
- 16 Wenn nun der bleiche Neydt muß mit der zeit verschwinden.

- 17 Straßburg/ auff des H. Andreæ

- 18 Abendt,

(Textopus: [widmung]. Abgerufen am 23.01.2026 von <https://www.textopus.de/poems/54467>)